



Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq
Landsstyremedlemmet for Kultur, Uddannelse, Forskning og Kirke

Inatsisartunut ilaasortaq
Anthon Frederiksen

Pisattanik assartuinnermut ilinniartunut akiliussisarneq pillugu § 36 naa- pertorlugu apeqquummut nr. 2009-21-mut akissut

Asasara Anthon Frederiksen

Naalakkersuisut ilinniartunut pisattanik assartuisarnermut akiliussisarneq pillugu apeqquutinnut, ilinniartunut meeralinnut ilinniartunullu meeraqanngitsunut, imaluunniit ilinniartunut suli ilaqutaqalersimangitsunut malittarisassat assigiinnerannut suup tunuliaqutaaneranut tunngasumut qujapput.

J.nr. 2007-003194
Dok nr.149608
Dato: 04.03.09
Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiin

Matumuuna Naalakkersuisut sinnerlugit apeqquutitit makkuusut akissavakka:

1. Sooruna, ilinniartut meerartaqanngitsut imaluunniit suli ilaqutaqalersimangitsut, pisattamik nuunneqarnissaannut akiliunneqarsinnaanngitsut ?
2. Sooruna, ilinniartut ilaat meerartaqanngitsut Danmark-imi imaluunniit nunani allani ilinniakkaminnik nangitsiniarnerminnut atatillugu pisattamik nassiunnerannut tapiiffigineqarsinnaanngitsut ?
3. Ilinniartut assigiinngisikkumanagit, meerartaqarpata meerartaqanngippataluunniit, Danmark-imi imaluunniit nunani allani ilinniakkaminnik nangitserusuttut pisattaminnik akiliunneqartarsinnaanerata anguniarlugu Naalakkersuisut qanoq ilioriarpat ?

Apeqquutit ataasiakkaat akineqannginnerini oqaatigineqassaaq usinik assartuisarneq pillugu aalajangersakkat Ilinniagaqarnersiutit pillugit Namminersornerullutik Oqartussat nalunaarutaanni nr. 8-mi, 27. marts 2008-meersumi § 60, 61 aamma 62-imiimata. Akissummi § 60 imaattoq aallaavigissavara:

§ 60. Ilinniagaqarnerup aallartinneranut, unitsinneranut imaluunniit naammassineranut atatillugu angalanermut akiliussisoqarnissaa akuersissutigineqarsimagaangat akiliussisoqarsinnaavoq, tamaattorli takuuk § 51, imm. 1, oqaaseqatigiit aappaat. Ilinniagaqartunut Kalaallit Nunaata aamma Danmarkip avataanni ilinniartitaanermut ilinniagaqarnersiutisianik aningaasaliiffigineqartunut pisattanik assartuinissamut akiliussisoqarsinnaanngilaq.

Imm. 2. Pisattanik akiliunneqarluni assartuisitsisoqarsinnaavoq, taamaattorli takukit imm. -imi oqaaseqatigiit aappaat pingajuallu:

- 1) *Ilinniagaqartunut meeqqat pineqartut angalanermut akiliunneqarnissaannik aningaasaliiffigineqartillugit ilinniarfimmittunut imaluunniit sungiusarluni suliffimmiit-tunut qaammatinit arfinilinnit sivisunerusumik.*
- 2) *Ilinniagaqartunut aappariinnut angalaqatigiittunut ilinniartup aappaanut, takuuk § 7, ilinniarnissaq qaammatinik 24-nik sivisunerusussatut naatsorsuutigineqarpat, pisattat angallannerannut akiliussisoqarsinnaavoq.*
- 3) *Qaammatinit 24-nit sivisunerusumik atamaannartumik ilinniareerluni angerlar-nermi ilinniartumut pisattanik assartuineranut akiliussisoqarsinnaavoq.*
- 4) *Pisattat ornigassamut angallanneqarnerannut akiliussisoqarsimatillugu, takukkit nr. 2 aamma 3.*

Apeqqummut 1-imut akissut.

Ilinniartut meeraqangitsut ilinniarnermik aallartitsinermut atatillugu pisattanik as-sartuineranut akiliutsissinnaannginnerannut tunuliaqutaavoq aallaaviatigut ilinniar-tunut pisattanik assartuineranut aningaasaliisoqartannginnera. Tamanna ilinniartut ilinniakkamik aallartitsisut pisatalinnik ilinniartunut ineqartinneqartarnerannik pissuteqarpoq, tamanna Nunatsinni ilaatigullu aamma Danmarkimi atuuppoq. Ilin-niartitaanerani ingerlaqqiffiusuni ilinniakkamik aallartitsinermi ilinniarnermi taar-sigassarsiarititat Nunatta Karsianit aningaasaliigaasut aqutugalugit ataasiartumik 10.000,- kr.-inik inissinnissamut taarsigassarsinissamut periarfissaqarpoq.

Ilinniartut meerallit § 60, imm. 1. pkt. 1 naapertorlugu pisattanik assartuineranut aki-liutsissinnaanerannut pissutaavoq ilinniartut meerallit allatulli ilinniarnissamut pe-riarfissinneqarnissaat, taamaalilluni meeraqarneq ilinniagaqarnissamut akornu-taannginniassammat.

Tamanna ilinniartunut aappalinnut namminneq inoqutigioriikkajuttartunut aamma atuuppoq.

Qaammatinit 24-nit sivisunerusumik ataannartumik ilinniagaqarnerup naammassi-nerata kingorna pisattat assartorneqarnerannut akiliussisoqarsinnaaneranut tunu-liaqutaavoq ilinniartut piffissap pineqartup ingerlanerani inissikkajuttarnerat, taa-maattumillu kikkunnulluunniit pisattat angerlaanneqarnissaannut periarfissiinissaq naapertuussorineqarluni.

Apeqqummut 2-mut akissut.

Aalajangersakkami qulaaniittumi allassimasutut ilinniarnerup **aallartinnerani, taa-maatinneqarnerani naammassineqarneraniluunniit** pisattanik assartuineranut akiliussisoqarsinnaavoq. Soorunami pisattanik assartuineranut akiliussineq taa-maallaat ilinniartunut akiliunneqarlutik angalasinnaatitaasunut, tamatumunngalu piumasaqaatinik naammassinnissimasunut pisinnaavoq, ilinniagaqarnerisutit pil-lugit nalunaarummi § 52 naapertorlugu.

Tamatuma kinguneraa ilinniartut meeraqangitsut imaluunniit ilinniartumik inooqa-teqangitsut Danmarkimi nunaniluunniit allani ilinniaqqikkumasut pisattat assar-torneqarnerannut akiliunneqarsinnaannginnerat, tamatumunnga piumasaqaatit naammassineqarsimanngimmata.

Ilinniartut bacheloritut naammassisut Danmarkimi universitetimi ilinniaqqikku-mappata ilinniartunut meeralinnut ilinniartunulluunniit aappaasunut pisattat assartorneqarnerannut akiliussisoqarsinnaavoq, Ilinniartitaaneq ilinniagaqarnersiuteqartitaanerup nalaani bachelorinngornissamut aamma kandidatinngornissamut immikkoortoqarpat ilinniarnertut marluusutut naatsorsuutigineqartarmat, § 39, imm. 2 naapertorlugu.

Nunanut allanut tunngatillugu § 60, imm. 1 naapertorlugu pisuni tamani pisattanik assartuinermut akiliussisoqarsinnaanngilaq. Malittarisassaq taanna aningaasaqarnermik tunngaveqarpoq, tassami containerinik Nunatsinnit-Danmarkimut utimullu assartuinerup avataatigut akigitinneqartut qaffasissorujussuummata. Tamatumani saniatigut containerinut allanut usilersortoqaqqittussaakkajuttarpoq, tassami RAL-ip containeriutai nunani allani containerinut naleqquttuujuaannanngimmata. Taanna aamma akitsorsaaqataasarpoq.

Usinik assartuineq pillugu aalajangersakkat immikkut akuersissuteqarnissamut periarfissartaqanngillat.

Ass. Ilisimatusarfimmi ilinniartut pisattat assartorneqarnerannut akiliunneqarsinnaatitaanngitsut ilinniakkaminnik taarsiinikkut ilinniakkamilluunniit nutaamik aallartitsinikkut ilinniartut allat assigalugit ataasiartumik taarsigassarseqqinnissamut qinnuteqarsinnaapput, nalunaarummi tassani § 66, imm. 3 naapertorlugu, tassami ilinniakkamik taarsiinikkut ilinniakkamilluunniit nutaamik aallartitsinikkut ataasiartumik taarsigassarsitseqqittoqarsinnaasarmat tamanna immikkut pissutissaqarpat, tassunga ilanngullugit nuunnermut aningaasartuutinut inissamullu aallaqqaatitut akiliutinut.

Apeqqummut 3-mut akissut.

Naalakkersuisut isumaqarput maani nunatsinni aallaavittut ilinniagaqarnersiuteqartitsineq pitsaalluinnartuusoq nunani avannarlerni allani pissutsinut sanilliunneqarsinnaasumik. Taamaattumillu ilinniartut atugaat naliliiffigineqartuassapput. Taamaammatt ilinniagaqarnersiutit pillugit Namminersornerullutik Oqartussat nalunaarutaata naliliiffigineqarnissaanik sulineq aallartippara. Naliliineq taanna ukioq manna aprilimi isumasioqatigiilaarnertut pinissaa isumaliutaavoq, tassani ilinniartut kattuffii aamma peqataanissamut aggersarneqassallutik. Isumasioqatigiinnermi apeqquutitit oqallisissiarissavakka isumasioqatigiinnermilu inassutigineqartut kingornatigullu kingunerisassanik naatsorsuinerit tunuliaqutaralugit pisattanik assartuisarneq pillugu aalajangersakkat iluarsineqarnissaat naliliiffigissallugu.

Ikinngutinnersumik inuulluaqqusillunga

Tommy Marø